

宋六十一名家詞



竹屋癡語

目錄

齊天樂三調
臨江仙二調
賀新郎一調
青玉案一調
花心動一調
祝英泰近二調
解連環二調
清平樂二調
山花子一調
水龍吟三調
思佳客六調
御街行二調
卜算子一調
踏莎行三調
雨霖鈴一調

竹屋癡語目錄

玉樓春四調
金人捧露盤三調
喜遷鶯二調
醉落魄一調
昭君怨一調
江城子一調
燭影搖紅一調
更漏子一調
浣溪沙五調
聲聲慢一調
永遇樂一調
霜天曉角三調
西江月一調
戀繡衾一調
洞仙歌一調

玉蝴蝶一調
鳳棲梧三調
菩薩蠻六調
夜合花一調
杏花天四調
生查子六調
憶秦娘二調
東風第一枝二調
蘭陵王二調
隔浦蓮一調
玲瓏四犯一調
眼兒嬌一調
點絳脣二調
鳳入松二調
柳梢青一調

宋六十名家詞

二

少年遊一調

蘇裏情一調

夜行船一調

滿江紅一調

鬪江月一調

謁金門一調

留春令四調

太常引一調

浪淘沙一調

意難忘一調

雨中花慢一調

八歸一調

瑞鶴仙一調

竹屋癡語

宋 高觀國

齊天樂

碧雲闕處無多雨。愁與去帆俱遠。倒葦沙闊。枯蘭砌冷。寥落寒江秋晚。樓陰縱覽。正魂怯清吟。病多依黯。怕損西風。袖羅香自去年減。風流江左久客。舊遊得意處。珠簾曾捲。載酒春情吹簫夜約。猶憶玉嬌香臉。麝樓故苑。嘆璧月空簫夢。雲飛觀送絕。征鴻楚峯煙數點。

又（對）

叢幽一笑東籬曉。霜華又隨香冷。暈色黃嬌。低枝翠婉。來趁登高佳景。誰偏管領。是彭澤歸來。未荒三徑。最憮清觴。道家標致自風韻。南山依舊翠倚。採花無限思。西風吹醒。萬蕊金寒。三秋夢好。曾記餐英。清詠爛斑。淚沁怕節去。蜂愁雨荒煙暝。明日重陽。爲誰簪短髮。

又（中秋夜讀梅溪）

晚雲知有關山念。澄霄捲開清蕩。素景分中。冰盤正溢。何啻嬋娟千里。危闌靜倚。正玉筯吹涼。翠觴留醉。記約清吟。錦袍初喚醉魂起。孤光天地共影。浩歌誰與舞。淒涼風味。古驛煙寒。幽垣夢冷。應念秦樓十二。歸心對此。想斗插天南。雁橫遼水。試問姮娥。有愁能爲寄。時刻或于孤光。天地共影下分段。非。

玉樓春（舞宮詞）

幾雙海燕來金屋。香滿離宮三十六。春風翦草碧纖纖。春雨浥花紅撲撲。衛姬鄭女腰如束。齊唱陽春新製曲。曲終移宴起笙簫。花下晚寒生翠縠。

又（海棠題寅齋挂軸）

胭脂染出春風錦。生怕黃昏人有恨。雨難揩淚玉環嬌。煙不遮愁紅袖冷。醉魂吹斷香魂靜。拂拂翠眉羞帶粉。最憐新燕識風流。只爲春寒消瘦損。

又（春思）

多時不踏章臺路。依舊東風芳草渡。鶯聲喚起水邊情。日影柔開花上霧。謝娘不信佳期誤。認得馬嘶迎繡戶。今宵翠被不春寒。只恐香機春又去。

又（憶舊）

春煙濛濛生春水。曾記芳洲蘭棹繫。岸花香到舞衣邊。汀草色分歌扇底。棹沈雲去情千里。愁壓雙鴛飛不起。十年春事十年心。怕說濺裙當日事。

玉蝴蝶（秋思·時刻不載）

喚起一襟涼思。未成晚雨。先做秋陰。楚客悲殘。誰解此意登臨。古臺荒斷霞斜照。新夢黯微月疎砧。總難禁。盡將幽恨。分付孤斟。從今倦看青鏡。既遲勛業。可負煙林。斷梗無憑。歲華搖落。

又驚心想，蕙汀水雲愁凝。閒薰帳，猿鶴悲吟，信沈沈，故園歸計，休更侵尋。

臨江仙（東越道中）

俱是洛陽年少客，才華迥出天真。青衫慣拂柳紅塵。酒狂因月舞，詩俊爲梅新。寄語長安風月道，鶯花緩作青春。披風沐露問前津。客中春不常，歸去倍還人。

又

風月生來入世，夢魂飛墮仙津。青春日日醉芳塵。一鞭花陌曉，雙槳柳橋春。前度詩留醉袖，昨宵香浥羅巾。小姬飛燕是前身。歌隨流水咽，眉學遠山顰。

金人捧露盤（水仙花）

夢湘雲，吟湘月，弔湘靈。有誰見、羅襪塵生。凌波步弱，背人羞整六銖輕。娉娉袅袅，暈嬌黃、土色輕明。香心靜，波心冷，琴心怨，客心驚。怕珮解，卻返瑤京。杯擎清露，醉春闌、友與梅兄。蒼煙萬頃，斷腸是、雪冷江清。

又（梅花）

念瑤姬，翻瑤珮，下瑤池。冷香夢、吹上南枝。羅浮夢杳，憶曾清曉見仙姿。天寒翠袖，可憐是、倚竹依依。溪痕淺，雪痕凍，月痕淡，粉痕微。江樓怨，一笛休吹。芳信待寄，玉堂煙驛雨淒遲。新愁萬斛，爲春瘦、卻怕春知。

又

楚宮閒。金成屋。玉爲闌。斷雲夢容易驚殘。驪歌幾疊。至今愁思怯陽關。清音恨阻抱哀箏。知爲誰彈。年華晚。月華冷。霜華重。鬢華斑。也須念閒損雕鞍。斜緘小字。錦江三十六鱗寒。此情天闕正梅信。笛裏關山。

鳳棲梧

雲喚陰來鳩喚雨。謝了江梅。可踏江頭路。拚卻一番花信阻。不成日日春寒去。見說東風桃葉渡。岸隔青山。依舊修眉嫵。歸雁不如爭上柱。一行常見相思苦。

又（願巖筆）

巖室歸來非待聘。渺渺千崖。漠漠江千頃。明月清風休弄影。只愁踏破蒼苔徑。摘取香芝醫鶴病。正要臞仙。相伴清閒性。朝市不關心耳靜。一聲長嘯煙霞冷。

又（湖頭卽席長翁同賦）

西子湖邊眉翠嬌。魂冷孤山。誰是風煙主。相喚吟詩天欲雨。嫩涼不隔鷗飛處。移下天孫雲錦渚。翠蓋牽風。綽約凌波女。清約已成君記取。月明夜半魚龍舞。

賀新郎（賦梅）

月冷霜袍攤見一枝年華又晚。粉愁香凍雲隔溪橋人不度。的皪春心未縱。倩影怕寒波搖動。

更沒纖毫塵俗態。倚高情、預得春風寵。沈凍蝶、挂么鳳。一杯正要吳姬捧。想見那柔酥弄白。暗香偷送。回首羅浮今在否。寂寞煙迷翠隴。人爭奈、桓伊三弄。開徧西湖春意。爛算羣花正作。江山夢、吟思怯。暮雲重。

喜遷鶯（代人弔西湖歌者）

歌音淒怨。是幾度、訴春春都不管。感綠驚紅。縷煙啼月。長是爲春消黯。玉骨瘦無一把。粉淚愁多千點。可憐損。任塵侵粉蠹。舞裙歌扇。轉盼。塵夢斷。峽裏雲歸空。想春風面。燕子樓空。玉臺妝冷。湖外翠峯眉淺。綺陌斷魂名在。寶篋返魂香遠。此情苦。問落花流水。何時重見。

又（秋懷）

涼雲歸去。再約著、晚來西樓風雨。水靜簾陰。鷗閒菰影。秋到露汀煙浦。試省喚回幽恨。盡是愁邊新句。倦登眺。動悲涼、還在殘蟬吟處。淒楚空見說。香鎖霧局。心似秋蓮苦。寶瑟彈冰玉臺窺。月淺淡。可憐偷聚。幾時翠溝題葉。無復繡簾吹絮。髻華晚。念庾郎情在。風流誰與。

菩薩蠻（春思）

春風吹綠湖邊草。春光依舊湖邊道。玉勒錦障泥。少年遊冶時。煙明花似繡。且醉旗亭酒。斜日照花西。歸鴉花外啼。

又（蘇隄芙蓉）

紅雲半壓秋波碧，豔妝泣露嬌啼色。佳夢入仙城，風流石曼卿。日粉香殘，六橋煙水寒。

宮袍呼醉醒，休捲西風錦明。

又（水晶宮）

玉鱗熬出香凝輦，并刀斷處冰絲顫。紅縷間堆盤，輕明相映寒。洗醉魂清真成醒酒冰。

纖柔分勸處，風滑難停筋。一

又

玉闌秋色知誰主，隔闌一架蒲萄雨。綠蘚怕啼蜚，可堪宮漏長。冷不成雲，峯峯外情。

烏絲吟古怨，清淚消塵硯。夢

又（中秋）

何須急管吹雲暝，高寒豔豔開金餅。今夕不登樓，一年空過秋。醉倚河橋清光愁玉簫。

桂花香霧冷，梧葉西風影。客

又（詠雙心水仙）

雪嬌雲嫩羞相倚，淩波共酌春風醉。的皪玉臺寒，肯教金釭單。外有鴛鴦，風流煙水鄉。

只疑雙蝶夢，翠袖和香擁。香

青玉案

平生似欠西湖債。每拚了金貂解。嫵媚煙雲多變態。雕鞍來處。畫船歸去。花柳春風隘。玉京相接蓬壺界。入畫遙山翠分黛。蘇小不來時節改。一隄風月。六橋煙水。鶯約鷗盟在。

醉落魄

鉤簾翠溼。寒江上雨晴風急。亂峯低處明殘日。雁字成行。界破暮天碧。故人天外長爲客。倚闌一望情何極。新來得個歸消息。去棹回舟。數過幾千隻。

夜合花

斑駁雲開。濛鬆雨過。海棠花外寒輕。湖山翠暖。東風正要新晴。又喚醒舊遊情。記年時今日清明。隔花陰。殘香隨笑語。特地逢迎。人生好景難并。依舊鞦韆巷陌。花月蓬瀛。春衫抖擻。餘香半染芳塵。念嫩約杳難憑。被幾聲啼鳥驚心。一庭芳草。危闌晚日。無限消凝。

花心動（梅意）

碧鮮封枝。點寒英疎疎玉清冰。溼夢憶舊家。春與新恩。曾映壽陽妝額。綠魂青袂。南隣伴。應怪我精神都別。恨衰晚春風意思。頓成羞怯。猶念橫斜性格。懶和靖吟魂。自來清絕。斜傍勁松。偷倚修篁。總是歲寒相識。綠陰結子當時意。到如今芳心銷歇。小橋夜清。愁倦陪澹月。

昭君怨（題春波獨載圖）

一棹莫愁煙艇。飛破玉壺清影。水濺粉消寒。縹雲鬢。不肯淩波微步。卻載春愁歸去。風澹楚

魂驚隔瑤京。

杏花天（春愁）

篝煙消處寒猶嫩。乍門巷、悄悄書永。池塘芳草魂初醒。秀句吟春未穩。仙源阻、春風瘦損。又燕子來無芳信。小桃也自知人恨。滿面羞紅難問。

又

遠山學得修眉翠。看眉展、春愁無際。雨痕半溼東風外。不管梨花有淚。西園路、青鞵暗記。怕行人、鞦韆徑裏。一春多少相思意。說與新來燕子。

又（題杏花春禽扇面挂軸）

花凝露溼胭脂透。是綵筆、丹青染就。粉綃帕入班姬手。舒卷清寒時候。春禽靜來窺晴晝。閒冷落、芳心知否。不愁院宇東風驟。日日嬌紅如舊。

又（杏花）

玉環消息春寒淺。露紅玉、嬌生靚豔。小憐髻溼胭脂染。只隔粉牆相見。花陰外、故宮夢遠。想未識、鶯鶯燕燕。飄零翠徑紅千點。桃李春風已晚。

祝英臺近（荷花）

攏紅妝、翻翠蓋、花影暗南浦。波面澄霞。蘭艇採香去。有人水濺紅裙。相招晚醉。正月上涼生風。

露。兩凝佇。別後歌斷雲閒。嬌姿黯無語。魂夢西風端的此心苦。遙想芳臉輕颺。淩波微步。鎮輸與沙邊鷗鷺。

又（閨思）

一窗閒。孤燼冷。獨白箇春睡。繡被熏香。不似舊風味。靜聽滴瀝簷聲。驚愁撥夢。更不管庾郎心醉。念芳意。一併十日春寒。梅花噤憔悴。懶做新詞。春在可憐裏。幾時挑菜踏青。雲沈雨斷。盡分付楚天之外。

江城子（代作）

綠叢籬菊點嬌黃。過重陽。轉愁傷。風急天高。歸雁不成行。此去郎邊知近遠。秋水闊。碧天長。郎心如妾妾如郎。兩離腸。一思量。春到春愁。秋色亦淒涼。近得新詞知□怨。妾無訴。泣蘭房。

生查子（詠芹）

野泉春吐芽。泥溼隨飛燕。碧瀾一杯羹。夜韭無人翦。玉釵和露香。鵝管隨春輦。野意重殷勤。持以君王獻。

又

芙蓉羞粉香。倚竹窺煙霽。眼帶楚波寒。骨豔春風醉。誰傳側帽情。想解遺鞭意。紅葉可憐秋。不寄相思字。

又（史輔之席上歌者贈雲頭香乞詞）

蓬萊一捻雲微，骨體凝滲，染風味韻而芳。笑語柔而婉，花嬌綠鬢寒，酒凝清歌怨。翠幄已煙橫，銀燭重休翦。

又（木香）

春籠雲潤香露溼，青蛟瘦，偷學漢宮妝。舞徹霓裳後，酥胸紫領巾，冰翦柔荑手。有意入羅囊，不肯成春酒。

又

飛花澹澹風被暖，疎疎雨，香潤玉階塵。翠溼紗窗霧，鈿箏離雁行，寶篋留釵股。唯有鳳樓魂，夜夜江南路。

又（梅次韻）

香驚楚驛寒，瘦倚湘筠暮。一笛已黃昏，片月尤清楚。沈沈冰玉魂，漠漠煙雲浦。酸淚不成彈，又向春心聚。

解連環（柳）

露條煙葉惹長亭舊恨，幾番風月。愛細縷先牽輕黃，漸拂水藏鴉。翠陰相接，纖鞭風流，眉黛淺，三眠初歇。奈年華又晚，紫紵游蜂，絮飛晴雪。依依灞橋怨別，正千絲萬緒，難禁愁絕。悵歲久

應長新條。念曾繫花驄。屢停蘭櫂。弄影搖晴。恨閒損春風時節。隔郵亭。故人望斷。舞腰瘦怯。

又（香水）

浪搖新綠。漫芳洲翠渚。雨痕初足。蕩霽色。流入橫塘。看風外。瀟瀟。皺紋如縠。藻荇縈迴。似留戀。鷺飛鷗浴。愛嬌雲蘸色。媚日。按藍遠。迷心目。仙源漾舟岸。曲照芳容。幾樹香浮。紅玉記。那回西洛橋邊。淚紺裙。傳情玉纖經掬。三十六陂。錦鱗渺芳音難續。隔垂楊。故人望斷。浸愁千斛。

燭影搖紅

別浦潮平。遠村帆落。煙江冷。征鴻相喚著。行飛不耐霜風緊。雲意垂垂未定。正慘慘。雲橫疎影。酒醒情緒。日晚登臨。淒涼誰問。行樂京華。輕紅不斷香塵噴。試將心事卜歸期。終是無憑準。寥落年華。將盡誤玉人。高樓凝恨。第一休負。西子湖邊。江梅春信。

憶秦娥

棲鳥驚。隔窗月色寒於冰。寒於冰。澹移梅影。冷印疎櫺。幽香未覺魂先清。無端勾起相思情。相思情。惱人無睡。直到天明。

又（舟中待事）

歌聲闌。聞舟只隔芙蓉灣。芙蓉灣。扇搖波影。風捲雲鬟。餘音嫋嫋留飲歡。雙鴛飛處傳情難。傳情難。曲終人去。愁寄湖山。

清平樂（秋集）

盤枝翦翠。葉葉西風意。吹上玉人雲鬢底。無限新涼氣味。
飄蕭露捲煙柔。絕憐不逐宮流。寄語多情宋玉。悲秋得似宜秋。

又

春燕雨溼。燕子低飛急。雲壓前山羣翠失。煙水滿湖輕碧。
小蓮相見灣頭。清寒不到青樓。請上琵琶絲索。今朝破得春愁。

更漏子

玉簫閒。清韻咽。人倚畫闌愁絕。雲惱月。月羞雲。半溪梅影昏。
恨春風。簫散後。夜夜數殘更漏。情悄悄。思依依。天寒一雁飛。

東風第一枝（爲梅溪壽）

玉潔生英。冰清孕秀。一枝天地春早。素盟江國芳寒。舊約漢宮夢曉。
溪橋獨步。看灑落仙人風表。似妙句何遜揚州。最惜細吟清峭。香暗度。照影波渺。
春暗寄付情雲。香愛隨青女橫陳。更憐素娥窈窕。調羹雅意。好贊助清時廊廟。
羨韻高。只有松筠共結歲寒難老。

又（壬戌立春日訪梅溪雨中同賦）

燒色同清。冰痕綻白。嬌雲先釀酥雨。縱寒不壓葭塵。應時已鞭黛土。
東君入夜。怕預備詩邊心。

緒意轉新無奈吟魂醉裏已題春句。香夢醒幾花暗吐。綠睡起幾絲偷舞。酒醅清惜重斟。菜甲嫩憐細縷。玉纖綵勝。願歲歲春風相遇。要等得明日新晴。第一待尋芳去。

山花子

嫋嫋天風響珮環。鵲橋有女夜乘鸞。也恨別多相見少。似人間。銀浦無聲雲路渺。金風有信玉機閒。生怕河梁分袂處。曉光寒。

浣溪沙

遮坐銀屏度水沈。障風羅幕皺沈金。日遲宮院靜愔愔。繁杏半窺紅日薄。小憐低唱綠窗深。試拈犀管寫春心。

又

魂是湘雲骨是蘭。春風冰玉注芳顏。誰招仙子在人間。澗水裙兒香霧皺。唾花衫子碧雲寒。洞簫聲絕却驩鸞。

又

偷得韓香惜未燒。吹簫人在月明橋。草芳似待玉聰驕。吹絮繡簾春澹澹。隔香羅帳夜迢迢。楚魂須著楚詞招。

又

雲外峯櫺翠欲埋。雨沾黃葉溼青鞋。小鷺春色入寒荄。風月愁新空雁字。神仙夢冷憶鸞釵。淒涼不是好情懷。

又（頻湖樓壁）

一色煙寒澹不消。兩峯眉黛爲誰嬌。春寒猶占木蘭桡。燕子似甘愁寂寞。海棠未肯醉妖嬈。小園嫩約尙蕭條。

蘭陵王（爲十年故人作）

鳳簫咽。花底寒輕夜月。蘭堂靜。香露翠深。曾與瑤姬恨輕別。羅巾淚暗。疊情人歌聲。怨切。殷勤意欲去。又留柳色和秋爲重折。十年迴淒絕。念髻怯瑤簪。衣褪香空。雙鱗不度煙江闊。自春來人見。水邊花外。羞倚東風翠袖怯。正愁恨時節。南陌阻金勒。甚望斷青禽難倩。紅葉春愁欲解。丁香結。整新歡羅帶。舊香官籤。淒涼風景。待見了。更何說。

又（春雨）

酒塵閣。暮暮天垂似幕。春寒峭。吹斷萬絲。溼影和煙暗簾箔。清愁曉來覺。佳景惜惜過却。芳郊外。鶯恨蕪愁。不管鞦韆冷紅索。行雲楚臺約。念今古凝情。朝暮如昨。啼紅溼翠春情薄。漫一犁江上。半篙隄外。勾引輕陰趁暮角。正孤緒寂寞。斑駁止還作。聽點點簫聲沈沈春酌。只愁入夜東風惡。怕催教花放。趁新花落。溼濃煙草。夢正遠。恨怎託。